

optica moderna



SPRITZER + FUHRMANN

ARUBA ANSE COURANT



Diario pa



Aruba



ANJA 23

DIALUNA 12 NOVEMBER 1962

No. 4489

Enorme interes pa apertura di Noord Social Club

Gezaghebber interino: „Logra cooperacion di miembronan pa progresa”

NOORD, 12 nov. — Colosal tabata Dia Sabra nochi e interes pa apertura di e prome club social di e distrito Noord, e „Noord Social Club”. Centenas di iena e edificio prome mes cu e parti oficial di ora di apertura a yega y ora cu porfin e hekchinan ta-

bata abri, e oationen enorme rapidamente a keda jen-ien, di moda cu no a resta mucho luga mas pa e amantenan di baile. E apertura a ser efectua na Gezaghebber interino.

Di ocho te nuebe or e apertura oficial a dura cu tabata solamente admisible pa un grupo chikito di invitadonan. Pa 8 or Gezaghebber interino a corta e cinta. Despues cu yiu muhe chikito die iniciador dje club, Mario Maduro, a entregé e sker. Ora cu esaki a caba di tuma luga a sigui como cinco speech.

Den su discurso di apertura sr. Francisco Farro, prome president di Noord Social Club a bisa lo siguiente:

„Ya ta basta tempo caba a surgi den nos a idea di forma un club social aki den pueblo di Noord y mas of menos un anja pasa nos a yega na e decision di forma tal.

Y ata algun minutu pasa nos a presencia e apertura oficial di nos club cual tabata semper nos deseo y di cual nos por ta orgulloso aweor.

E club aki a worde realiza gracias na e cooperacion di e pueblo di Noord y ya nos ta conta cu basta miembro cabal.

Pa mayoria parti di habitante di Noord no tabata existi e oportunidad di djeri y desarolla nan mes despues di un dia di trabau y pesey nos a yega na e conclusion y hasta nos ta haye sumamente necesario pa forma un centro di djeri aki na Noord.

E doel primordial di nos club lo ta pa uni nos miembronan pa asina uno por conoce y comprende otro y desarolla nan mes riba terrenonan social y deportivo, entre otro: Bailenan, shownan, organizamento di torneo di biljard, domino, volleyball, futbol, etc.

For di experiencia caba nos a nota cu varios club aki na Aruba ta cuminda cu hopi entusiasmo y despues di tempo ta bay atras te para caba, pesey nos lo aprecia mashar, mashar hopi, ideanan y opinionnan cu lo contribui na mantencion di nos club.

Mayoria hende ta pensa, cu tur trabau ta riba lomba di miembronan di directiva y si algu bai malo, culpa ta cal inmediatamente riba nan local por

ta completamente robez, pasobra directiva di un club ta pa ehenta y tree na vigor deseo di su miembronan y pesey nos ta pidi carifosamente cooperacion y comprendemento di tur nos miembronan, pasobra cada miembro ariba su mes lo forma parti di e mecanismo cu lo yuda e club funciona.

Un palabrita di gradicimento nos kier extende na Su Excelencia Gobernador di Antillas y Gezaghebber Interino di Aruba, cu tabatin e confianza di a duna nos e vergunning pa e club aki y tambe na Senor Mario Maduro, kende a contribui hopi na e formacion di e club y tambe na tur personanan cu di un of otro manera a sali di vida realiza nos ideanan.

Mi deseo fervoroso ta pa mira nos ta pa mira nos club cumpli su promer lustro y marchando pa dilanti pa asina nos por cumpli hopi mas.”

Tambe cultura

Despues maestro di ceremonia Ito Tromp a duna palabrita na diputado F. Wernet di educacion y cultura. Esaki a felicita e poblacion di Noord cu e club nobo y a elogia e directiva pa e tantisimo trabau cu mester a ser efectua prome cu por a yega asina leu.

Si antes a ser observa cu 40 por ciento di poblacion di Noord tabata consisti di hubentud, p'esei awor ta di masha grandi interes cu awor porfin tin un club pa e hubentud aki pa nan por practica deporte. Tambe sr. Wernet a

FATUM — Tel.: 1845
pa tur bo aseguranan

TUR ACUSADONAN DI PROCESO SOFTENON A SALI LIBER

LUIK, 12 nov. — Tur acusadonan di e proceso-Softenon na Luik a worde declara inculpable pa e jurado.

E jurado cu tabata consisti di diez-dos persona tabata di opinion, cu senjora Suzanne Colpel-Van de Put, no a hael su mes culpable na asesinato di su baby, cu manera ta conel a nace completamente mancaron.

Tambe su esposo, su mama, su rumen y e medico, cu tabata acusa di ta culpable, a sali liber. E hurado a tuma un ora prome cu nan a duna nan opinion.

Manera ta conel senjora Colpel-Van de Put, den periodo cu e tabata en espera a tuma plidorianan pa drimi, yama Softenon.

ministra tambe riba interesnan di 60 por ciento cu a resta ta hende grandi y hendenan bien, na guendanan tambe e club aki lo mester bira un centro di atraccion y placer. Y auncu cu e deputado a elogia tur esfuertonan pa stimula deporte na Noord, tambe el a apoya e directiva pa lanta un practicamente di deporte, paga atencion tambe semper riba facete cultural. Orador tabata snera cu e club lo bira alavez un centro di escena y funcionnan di cantamentu y semehantenan. Tambe sr. Wernet a suplica na miembronan di apoya directiva mas tanto posible, asina cu e club no sigui e camina di asina tanto oronon cu a cuminda cu hopi animo a cohe, esta: e camina di e flor, cu ta habri mainta, ta pasa un temerada di floracion enorme pa despues bai marchita y muri.

F. Figaroa na nomber di poblacion

Despues cu madrina dje club tambe srita. Sita Christiaens, a expresa palabranan bunita di felicitacion. Tabata sr. Frans Figaroa, ex-ministro di educacion y cultura, cu a expresa felicitacionnan na nomber di poblacion. Sr. Figaroa a bisa, cu poblacion di Noord tabata masha contentu cu awor nan por tin un propio club, un propio centro di placer y actividadnan salubable. E tabata confia cu e actual directiva lo ta na alcance di duna e club un bon direccion, asina cu e poblacion di Noord lo sigui bishita e club cu regularidad. Na nomber di poblacion di district Noord, sr. Figaroa a expresa su gratitud pa loque a ser haci pa comunidad.

E club tin hopi ventaje

Un discurso simpatico Gezaghebber interino I. S. de Cuba a lanta kende e anochi aki a bini Noord cu alegria visto pa por asisti na e momento aqul cu ta di asina interes y door di esei di corta e cinta rood-wit-blauw y duna su cooperacion na e manera ei. Discurso di sr. De Cuba a resona asina:

„Ta un placer grandi pa mi di ta presente awe na inauguracion di e promer y unico club social di Noord, cu lo sirbi habitantenan di Noord como un centro caminda tur por reuni, pa asina tree mas amistad y expansion pa tur cu ta biba den e distrito aki.

Sinceramente mi kier expresa cu mi ta contentu pa e bunita iniciativa di Senor Mario Maduro, kende cu cooperacion di tur es oronon, a hael su esfuerso pa logra cu e fin aki a ser corona cu exito, pasobra sin duda un

centro manera esaki ta util pa e parti aki di Aruba. Pero e obieto di e social club no ta unicamente yega na hanja un edificio bunita manera esaki, sino loke ta mas principal ainda, logra cooperacion di su miembronan, no solamente pa cuminda, sino tambe pa sigi traha conhuntamente pa e Social Club progresa. Pa dia, pa dia, e social club bira mas conoci y pa haci un sitio caminda hopi actividad Social y Cultural por lanta luga.

No ta necesario menciona tur e beneficcionan cu e comunidad por bin yega na ricbi di e club aki, pero toci lo mi kier menciona algun di nan:

por ehemplo, den e parti social, honi familia cu antes no tabatin oportunidad, of pa un of otro motibo no sa hanja ocasion pa bishita otro, ta contra otro cu mas frecuencia den Club, asina bohe tree e lazonan di amistad. Hobenan ta hania un centro caminda nan por reuni den un ambiente sano, caminda ta oportunidad cu nan por forma gruponan pa comedia, di baile, di koor etc.

Den e club tin oportunidad pa bieuw y hobenan por reuni pa tende un splicacion di cual'ier aspecto riba diferente topico di interes. Enfin posibilidad nan ta boni, tur ta depende di es animacion y brio cu e directiva di Club sa di desplega, pero principalmente di e cooperacion di miembronan, pa cada un duna un man pa bina nan Club padilanti.

SWIFT
SAUSEISHI

IDEAL PA COCKTAIL. — Tambe sabroso sirbi cu batata, weba y salada


Agente: **WIMCO**

Ta mi deseo cu Noord Social Club progresa y demostra den futuro di a cumpli cu su mision di a traha pa bienestar di e habitantenan di Noord.

Pa termina mi kier extende mi felicitacion na Directiva y miembronan di e Social Club aki, y en especial na sr. Mario Maduro pa su lucha incansable, acompaña cu mi mihor deseoan pa futuro.”

Despues cu awor tur glasnan tabata alza na honor

Bao di gran interes e proceso publico a cuminda dilanti tribunal di Assci den e ciudad belga Luik e proceso contra e senjora di 25 anja di edad Van de Putten Colpel, cu ta ser acusa di a mata su yiu cu a nace deforme. E asunto di tribunal aki ta carga nomber di proceso-Softenon. Riba e portret nos ta mira den banki di acusado di r.p.d.r. e dokter di familia dr. J. Casters, rumen muhe di sr. Van de Putten, Monique Colpel, sr. Yerna, su mama, sr. Van de Putten y sr. Van de Putten-Colpel.



Esaki ta e parada cu a tuma luga den Plaza Roia na ocasion di celebracion di revolucion ruso di october: durante e desfile dje deportistanan aki nan a lanza un raket riba e plaza. Por mira e proyectil cla: riba suela por mira e huma masha bon.

di un bon futuro die club, e invitadonan a hanja ocasion pa bai pasa mira rond den e club na nan smaak, den e club espacioso y bunita cu tabata dorna cu decenanan di flornan.

Despues cu pa 9 or e publico cu tabata sperando afo por a drenta y manera a bisa, va despues di 10 minutu por a mira cu e club tabata mucho chikito na centenares di interesadonan cu a asisti na e apertura y no a dura mucho cu e band San Jose foi Corsou cu a tuma iniciativa riba terreno musical. E presentenan a keda balla te laat den anochi.

VERENIGING SURINAME TA CELEBRA SAN NICOLAS 2 DI DECEMBER

SAN NICOLAS, 12 nov. — Fiel na tradicion e anja aki tambe San Nicolas lo bai bishita Club Suriname. El a larga e directiva sabi, cu el a dicidi na bini aya riba dia 2 di december. Tur muchacha di 3 — 12 anja ta bonbini pa 4.30 den club.

Otro puntanan culminante den bida di sociedad dje luna aqul di Surinamnan ta e hersengymnastiek wedstrijd dia 25 p.v. entre e dos equilonan di Oranjestad i San Nicolas i e funcion di e magico Rahoudini riba dia 29 anochi.

VIJFKAMP.

Contra Club J.P.F. for di Curaacao lo hunga medio-december weganan di deporte i djeri. Participantenan di Vereniging Suriname na e vijfkamp aqul cu ta fih pa dia 15 i 16 di e luna entrante por bin inserbi nan cerca directiva.

PING-PONG.

Directiva di Vereniging Suriname a opina awor cu club tin dos bon mesa di ping-pong di cuminda un competitie pa miembronan i teens. Prome cu cuminda cu esaqul nan ouer tene prome un wega di seleccion dia 24 p.v. E competitie lo termina banda di Pasen. Ta pensa di larga entrega dje premianan tuma luga na ocasion dje balle di Pasen.

DESGRACIA SERIO NA INDIA

NUEVA DELHI, 12 nov. — Ayera a muri cerca di Gorakpoer den noord di India 21 persona cu tabata sinla riba dak di un trein ora cu esaki a pasa bao di un brug.

POLIS NA AMSTERDAM A TIRA LADRON DI AUTO

AMSTERDAM, 12 nov. — Ayera nochi banda di mitar di dos un polis na Amsterdam Noord a tira un ladron di auto, cu el a atrapa y cu a trata di hui. Ora cu e homber no kier a para el a tirele. Poco despues e homber a muri.

MERICANO CU TA DI VERLOF TA HERIDA

AMSTERDAM, 12 nov. — E militar mericano di 22 anja J. W. Jacob, a worde herida na un bringamentu seriumente. E amigo di Jacob e militar di 21 anja E. J. Daserico, tambe a hanja herida y mester a worde transporta pa e mesun hospital caminda nan a hiba Jacob.

COMPETITIE A.V.B.

Awenochi pa 7.30 den **WILHELMINA STADION**

BRASIL JRS. vs. BUBALI S.C.


(A KLASSE)

Entrada general Fl. 0.50

PARKER T-Ball ball pen

...writes smoothly, even where ordinary ballpoints fail completely!

PRICE: **1. 2.95**



It's Parker Quality That Makes the Difference!

Whatever its assignment, the Parker T-BALL ball pen performs like a champion. That is because its point is textured to grip the paper—it will not slip or slide or fade out completely on difficult surfaces as ordinary ballpoints do. Superior performance like this costs a little more, but pays for itself in extra-long service and satisfaction.

a product of

THE PARKER PEN COMPANY
Maker of the World's Most Wanted Pens • Janesville, Wisconsin, U.S.A.

Agents: **MARCHENA MORON & CO. N.V.**

JAM-PACKED WITH BEEFY GOODNESS



AMERICAN GRAVY

2 Maggi's Bouillon Cubes dissolved in 1 pt. boiling water • 4 tbsp. shortening • 1 onion, minced • 4 tbsp. flour • 1/4 tsp. salt • dash of pepper.

Brown shortening and onion. Blend in flour and brown. Gradually add Maggi's Bouillon stirring constantly until thickened. Add salt and pepper. Cook 5 minutes. Strain.

another Nestlé quality product

MAGGI'S
BOUILLON CUBES



MILITARNAN DI INDIA TA MUNSTRA FUERTE RESISTENCIA

Nan por a banja quizas ayudo di otro paisnan?

NUEVA DELHI, 12 nov. — Un vocero die ministeria di defensa di India, a participa, cu truanan di India a pane resistencia durante dos dia tras di otro na atakenan chines riba nan puestonan cerca di Walang, den parti Naardaast die territorio di frontera. No tabatin perdida di parti di India. Tambe trupanen di India a benta cerca di Jang, na oost di Tawang, e puestonan chines cu granada.

Entrega di arma mericano pa India

Tog avionnan ruso pa India

Funcionarianan dje ministerio Mericano di exterior a participa, cu e transportation di armamento Mericano y equipo di guerra pa India a termina. E costan cu nan a entrega India tin balor di 5 million dollar y ta destina pa bringa contra Chinesnan.

Premier Nehroe di India ayera a laga un comision di parlamento di India cu Union Sovietica a participa, cu e lo cumpli cu su promesa di bende 21 avion di e tipo Mig cu India. Asina circulan mas yega na e comision a participa.



Esaki ta un portret di encuentro di generale staf di exercito di India na Tezpur den e ciudad Assam. Meimei cu mannan riba mesa nos ta mira luit-general B. M. Kaul, chef di generale staf, cu ta encarga cu comando riba trupanen den e lucha contra chinesnan.

Tambe in Donan e nivel di awa a yega te na su punto di profundidad pa motibu dje tempo di secura na Europa. Na algun canchra practicamente bo por pasa un rio caminando. Na Viena hasta bo por para nira e barancanan cu tin den fondo di ruman cu awor a sali riba terra.

NAN A DESCUBRI ORGANISACION SECRETO DI ESTUDIANTE

WASHINGTON, 12 nov. — Un investigacion, cu nan a haci pa difinitudnan, cu tabatin na e universidad di Oxford den estado Mississippi, en coleccion cu admision di e unico estudiante di color na e universidad James Meredith, a trece na cla cu e estudiantenan a organisa un organizacion secreto, cu mester sorcu cu tur medidanan pa haci James Meredith mester hai di e universidad. Un bosero oficial a participa, na Washington, cu servicio Mericano di informacion a propone pa manda algun agente pa e universidad di Oxford, cu orden, pa drenta den e organizacion di estudian'te, cu e fin pa hanja sa nan plannan y kende ta e organizadornan. E servicio no a acepta e plan, pasombra nan ta kere cu gobernacion di universidad lo no ta di acuerdo. Entre tanto Meredith a sali inespere for di Oxford. Ambtenaanan di e ministerio Mericano di husticia ta kere, cu su salida sin duda ta causa die deseo na sali for di tension, den cual el a biba durante cinco siman.

ASIINTII SPIEGEL

MADRID, 12 nov. — Minister Spanjo di informacion a declara ayera na Madrid na periodistanan, cu e redactor die revista di Alemania West, Der Spiegel Conrad Akers a wordu aresta riba peticion dje embajada di Alemania West na Spanja. E declaracion die minister aki, cu a duna despues di un sesion di gabinete, ta contra localu corresponsalnan di exterior a declara dia sie di e luna aki. E minister a bisa, cu polis Spanjo a haci e arrestacion despues di un peticion telefonico di departamento di Alemania West dje organizacion internacional di polis "Interpol". Tambe e minister a bisa cu polis Spanjo a duna Ahlers bon trato. Nan no a interroguele.

El a bisa, "cu no tin di haber akian cu entrega, pasombra prome cu su salida di Spanja senior Ahlers a firma un declaracion den cual e ta bisa di ta sali for di Spanja pa su mes voluntad.

CHROESJEF LO DUNA RAPPORT

E comite central dje partido comunista lo reuni dia 19 di november den un sesion plenario. Prome minister Chroesjef lo duna den e reunion aki rapport dje direccion cambia den industria, y agricultura.

CRITICA PA STRAUS

BONN, 12 nov. — Den prensa di Alemania West nan a critica ayera mainta e minister di defensa, Strauss, awor cu a resulta cu no tabatin un papel masha importante den e accion contra Der Spiegel.

REPUBLICA ARABE UNI Y JEMEN

CAIRO, 12 nov. — Republica Arabe Uni y Jemen ayera a firma un tratado di defensa na Sanaa, asina e agencia di prensa pa mediano oriente a participa. Den e acuerdo aki nan a stipula entre otro, cu cada atake riba un di e dos paisnan lo worde considera como un atake riba e otro tambe. Tambe e acuerdo ta menciona formacion di un consoho militar.

E acuerdo ta valido pa cinco anja y por worde prolonga si ta necesario.


YABI

pa bo exito

Avisa den ARUBAANSE COURANT y compara e resultado!

FRESH UP with

→ **awor embotello na VICTORIA BOTTLING CO.**



Ora pa habri un aseguro ta prame cu e accidente socede!

Pa mas informacion tocante **'Ongevallenverzekering'** jama of bishita **N.E.N.** Nassaustraat 94B Tel. 1176-1337

NAN A BOLBE INSPECCIONA BAPOR RUSO

WASHINGTON, 12 nov. — Ayera un cazador Mericano di torpedo a inspecciona e bapor Ruso di carga Anosov cu a bini for di Cuba.

E inspeccion a socede ayera noch sin cu e funcionarianan Mericano a bai abordo di e bapor. E cazador di torpedo a pone un luz grandi riba e bapor Ruso di moda cu nan por a controla e articulan cu tabatin riba dek.

Nan no a participa ningun detalle tocante resultado di e control.

Periodistanan abordo di un avion Mericano cu a circula riba e bapor Ruso, cu parece tabatin abordo instalacionnan di raket y tabatin ocho obheto cu tabata parece raket.

IMAM EL BADR TA BIBU AINDA

NOORD JEMEN, 12 nov. — E imam di Jemen, cu e revolucionarianan a baha for di su puesto, Mohammed El Badr, di kende nan a bisa diferente blaha cu e ta morto, a presenta ajera na un conferencia di prensa pa periodistanan estranhero.

El a duna siguranza, cu e lo haci Jemen un santana pa e invasornan di Egipto.

E imam, kende tin 35 anja, cu tabata bisti na e uniform di kabi di soldado di Jemen y kende por a worde reconoce como un militar di alto rango solamente na su petchi, a declara cu gustosamente e lo kier a mira un fin na e sucesonan sangriento y matanzan den su pais.

Pero el a bisa e periodistanan, "nos lo haci di Jemen un santana pa soldadnan di Egipto si nan no retira nan for di Jemen. Nos ta yama nan bon bini como huesped pero no como agresor."

SUBMARINONAN RUSO DEN MAR CARIBE

NEW YORK, 12 nov. — Diasabra noch almirante George Anderson, hefe di departamento operacionnan di flota americano a segura den un discurso na e departamento New York di e union di flota americano, cu cazatorpederonan mericano, cu actualmente ta vigila e camindanan riba laman pa Cuba, a sigui submarinonan ruso den Atlantico y Mar Caribe.

Despues cu nan a sigui e submarinonan ruso durante varios ora, esaki a subi riba awa, segun almirante Anderson.

ENTIERRO DI SENJORA ROOSEVELT

HYDE PARK, 12 nov. — Diasabra nan a pone cadaver di senjora Eleanor Roosevelt, sosega banda di graf di su esposo, e president Franklin D. Roosevelt cu a fallece na anja 145. A asisti na e ceremonia president Kennedy y senjora, y tambe Eisenhower y Truman. Morozov a representa Union Sovietica y prome minister Chroesjef, president De Gaulle y president Tito a manda telegram di condolencia.

BO PANJANAN LO NO HANJA NINGUN DANJO den un

EASY

WASMACHINE

ARUBA TRADING CO.

RON CONDESA

Awor cada botter di RON CONDESA tin un papel bau di su capsula y masha hopi di e papelnan aki ta premia cu vale pa RON CONDESA y PA PLACA.

Bo por hanja un vale po un Botter di Ron Condesa (4 tamaño) y tambe **BO POR HANJA VALE PA f. 5.—, f. 10.—, f. 25.—, f. 50.— y f. 100.—.**

Por cambia e valenan aki na:

Oficina di Firma Jan C. Lacle of no Santa Cruz Bar of no e Rumshop unda Bo a compra Bo botter di RON CONDESA.

ECONOMIZAI

cumprando na **VIEIRA & HARMS** condicion facil na cuota - gran descuento po cash!

AVISA DEN ARUBAANSE COURANT

BOTICA ARUBA

"TIN TUR COS"

Bebe lechi SAMDEN, di mejor y mas barata.

Bia cambia bo tapanan pa bunita **GLAS of BOEKI DI COMICS.**

ULTIMO REACION DI EDGAR PALM:

- DISCO LONGPLAY NO. 2 -

awor na Aruba tambe.

8 pimentoso composicionnan di e mas dushi musica Antillana:

WALS - TUMBA - MAZURKA - y DANZA. Mas ritmo ainda cu e longplay no. 1.

Habitantenan di Aruba tambe por hanja e disco aki doar di mondo fl. 7.50 cu postwissel na:

LA BONANZA (Punda) - LA BONANZA (Otrabanda) Curacao, N.A.

Franse - Duitse - Zweedse - Russische - Dramatische - Humoristische - Poetische - Experimentele - Bekroonde - Omsproken Films —

het beste van het beste ziet u ols lid von de filmliga Aruba.

Wordt nu lid voor 1963 en zie behalve de 12 of meer programma's van 1963, de november en december programma's van dit jaar.

Aanmelden voor de aanvang van de november voorstellingen a. s. zondag van Boekhandel De Wit, Volwassenen f. 2.50 Kinderen f. 1.—

NO PERDE ES GRAN OPORTUNIDAD AKI, CUMpra BO LOT NA TEMPO, Y GANA

UN CAS

bunita y comoda di 3 kamber, sola-comedor, baño, cocina y porch.

Bo chens ta grandi pasobra ta 5000 numero sol tini.

Na beneficio di **SOCIEDAD BOLIVARIANA DI ARUBA** pa moderniza su Salon Cultural.

CANTIDAD DI PRESUNAN NA SPANJA

MADRID, 12 nov. — Minister Spanjo di husticia, Iruemendi, a anuncia den un rapport na e consoho ministerial cu tabatin dia prome di november pasa presu na Spanja 14.534 persona. Segun e minister e cantidad aki ta un dje es-

Nan a perde avion di pasahero di Zuid Vietnam

SAIGON, 12 nov. — Un avion di trafico di Zuid Vietnam cu 21 persona a bordo a perde durante un vuelo di Hue na Da Nang, den norte di Sur-

CISCO KID presenta pa cortesia di **ARUBA BOTTLING COMPANY** e promer fabrica di refresco na Aruba, cu e productonan mas gusta y mas pidl. **NESBITTS** e refresco sin igual.

1. „Hallo!“ 2. „Barri!“ 3. „Barri y baila!“



PEPITA

po cortesia di **Antillian Hardware Co** Bo mehor adres pa **HERMENT, Y TUR MATERIAL DI CONSTRUCCION!**



cu masha delicateza como si
e tabatin aversion dije luzi cam
bilero a ali



Ultimo noticianan diferente alrededor di Cuba

WASHINGTON, 12 nov. — E organisacion di estadonan Mericano a manda un hecho di Venezuela, cuan si Cuba ta responsabel pa e hecunan di sabotaje cu nan a comete e delaster tempo na Venezuela, pa un comision special di seguridad. E sabotaje aki ta forma parti di un plan, stipula pa un colaborador di Fidel Castro, cu actualmente a muri, segun e delegado Venezolano, un bapor desconoci riba laman, a manda mensahenan di Havana pa complisencianan di "Placamil".

E delegado Venezolano a hantia aprobo di representante di Nicaragua, cu a bisa cu desmicion dje basenan Ruso di raket na Cuba no ta suficiente. Nos mester desmonta tambe e gobierno Cubano, asina el a bisa.

E cantidad di raketnan ruso na Cuba

Segun funcionan Mericano tin abordo di bapornan Ruso: 41 raket, cu nan ta saca for di Cuba. Promer minister Chroesjstiel di Union Sovietica a declara algun dia pasa na Moscu, na periodistanan cu tabatin na Cuba mas o menos 40 raket. Di fuente oficial nan no a segura ainda, cu na inspeccion Mericano di bapornan Ruso cu raketnan a conta enberdad 41 raket.

Cruz Roja internacional y Cuba

E boero oficial di Nacionnan Uni a participa cu e deliberacionnan, cu nan a haci na New York, entre representantnan di Cruz Roja Internacional y secretario general Oe Thant, tocante e manera cu Cruz Roja mester traha na control riba cargamentu di bapornan cu ta pa Cuba, a transcuri satisfactoriamente.

E proposicionnan cu nan a haci a wordu pone den conocimiento di par-nan. Aftan a publica e partidar serie di stempia aki na ocasion dje concilio. Itina Juliana a bishita na Wep e central di recepcion „Willeu de Zwiger“, den cual 600 repatriantenan di Nieuw Guinea a cumi.

Na Rosenberg, Rotterdam Prins Bernhard a inaugura N.V. Titaandoxyde-fabriek oficialmente. Riba e portret aki nos ta mira Prins Bernhard acompaña dje director di empresa, ir. J. B. van der Graaf (r.) durante e paseo door dje empresa.

un grupo di quarantaine inter-Americano contra Cuba ta nifica cu Merca y su aliadonan no ta tene nan promesa a base di cu Rusia a desmonta su basenan nuclear na Cuba.

Esaki ta mesos cu nan sigi cu accion di pirateria contra Cuba pero hoca abao, asina e radio a participa.

Inspeccion di carga pa Cuba

Un boero di Nacionnan Uni a participa cu secretario general interino di Nacionnan Uni, Oe Thant, lo anuncia Nacionnan Uni den eunizamentu dje siman aki e proposicion tocante inspeccion internacional di Cruz Roja riba bapornan cu ta di caminda pa Cuba.

Union sovietica y Cuba

Radio Moscu, a bisa den un transmision den Griego, cu instalacion di

Guatemala y e kestion cubano

Guatemala lo reconoce e gobierno Cubano en exilio y protehe? Si Fidel Castro no saca inmediatamente for di Cuba, e ex-presidente di Guatemala Jacobo Arbenz y su partidariann, asina gobierno di Guatemala a participa. Segun e anuncio, e grupo Arbenz ta ehecuta na Guatemala un campania di agitacion y terror.

Anteyera nan a destrui un emisore di radio, nan a tira donjo y locutor dje radio mata.

Na aña 1954 Arbenz a hui for di Guatemala, despues cu nan a tumba su gobierno izquierdista. For di 1960 e ta biba na Cuba.

Situacion na Cuba

Diasabra trupan Mericano a kita un parti dje mitaladonan y instalacionnan di radar y raketnan dje playa cerca di Key West Florida, cu nan a pone ayanan na eunizamentu dje crisis Cubano. Nan no a anuncia directamente si nan lo kita tur e equipo aki.

Na New York, e lider dje grupo di refugladonan Cubano „Alma-66“ cu ta contra Castro, a participa, cu nan lo sigi cu atakenan militar riba Cuba, si nan aboli e bloqueada Mericano di flota.

Segun nan tin arma Ruso scondi den gruta na Cuba. Apesar dje promesa di promer minister Chroesjstiel pa laga manda e arma nan aki.

Corresponsal di Cuba den libertad

Nan a pone den libertad, seis corresponsal di exterior, entre kende tin un muher, cu nan a detene dia 31 di october na su yegada na Havana. Actualmente nan a hantia permiso pa keda Cuba.

DELIBERACION TOCANTE UN CONTRACT

NEW YORK, 12 nov. — Avera nan a sigui cu deliberacionnan entre obreronan di haf di contratanan, cu fin pa alcanza un acuerdo tocante un contract nobo, prome cu periodo di afloeling termina dia 23 di december. Segun circulanon bon informa nan na yega riba ningun punto di acuerdo.

REY SUECO A HACI 80 ANJA

STOCKHOLM, 12 nov. — Rey Gustavo VI di Suecia a celebra aña su di 80 aniversario. Nan ta tene un fiesta, caminda mas di mil subido dje cumpleaños a bantia un invitacion. Na oktober 150 Adolf a sucede su tata, Gustavo V. For di e tempu ey e rey a haci diferente viahe door di su pais y a haci azo entre pueblo y Casa Real mas fuer. El a bishita Italia, na unda el a participa na cohamentu di cosnan bieu.

CARDINAL OTTAVIANI TA MALCONTENTO

CIUDAD EL VATICANO, 12 nov. — Cardinal Alfredo Ottaviani no a parece durante 10 dia na e concilio. El a rabia pasobra e participantnan na e concilio a bati den man, ora cu e presidente a bisele cu e mester subi podio.

El a recorda e participantnan di concilio, cu no ta permiti na aplaudia principalmente ora cu nan kier muestra simpatia pa uno dje miembran.

TEACHERS U'ED Y ELMAR PROMER GANADORAN PA BLANKEO

(Di nos redactor Deportivo)

Ayera mainta ariba terreno di Caribe a cuminsa e torneo di softball organisa door di e activo club Juventud Cristiana. Un cantidad basta grandi di publico y amantenan di e deporte aki a acudi na presencia e promer dia di wega.



E vice-premier ruso Anastas Mikojan y e premier cubano Fidel Castro despues di un encuentro cu e ministerraad na Havana.

Door di e simpatica reina di Juventud Cristian sra. Ella Yarzagara e promer strike a wordu lansa inaugurando asina den e forma mas chamante posibel e torneo.

A sibi terreno pa enfrente otro den e partido inaugural e novenan di Teachers United y Aruba Jrs. E maestro nan a resulta mihor y a obtene merecido triunfo di dos carrera pa cero. Pitcher ganador tabata Ernesto Rozenstand, mientras cu V. Albus a perde pa Aruba Jrs.

E segundo encuentro a bai entre e novenan di Elmar y Juventud Cristiana.

E organisadornan di e torneo mes no a eumiza cu bon pia y a perde nan promer compromiso cu anotacion di dos carrera pa cero. Daniel Leo tabata e pitcher perdedor.

Dia Domingo awor e torneo aki, cu ya a goza di hopi atencion y interes di amantenan di deporte, lo continua.

GANANDO DI RCA 1-0, DAKOTA A KEDA INVICTO

(CONT. DI PAG. 3)

aki keeper Loefstop apenas ta logra desvia e bala, pero e tulo di gol ta den caminda y via esaki e bala ta bai corner.

Un proximo shot di Jimmy Richardson tuma for di rechts ta pasa net halto di mas. Awor ta Nulfo Sieba ta pone e portero tricolor na prueba. Corriendo ariba ala robes, Guillermo Trinidad ta bira un bala cu ta wordu riechi door di Nulfo Sieba ariba aladrech. Sieba ta shot duro den skina, pero e portero di R.C.A. ta bon coloca y e ta pomp e bala manda corner.

Cu hopi frecuencia, e dakotenjonan ta trece e bala riba e mitad di R.C.A. E equipo aki ya no por mantene e mes ritmo cu den e promer mitad y na principio di e parti complementario.

Faltando apenas dos minuit pa e partido termina, R.C.A. ta hantia un corner pa cobra. Juchi Jansen ta tuma e forma perfecto y e largo Cai Helder adelantando naturalmente pa e hugada. Ta pone un skerpi kopbal eu ta net un pocho di mas bira, loke a pone e bala salí na banda.

E publico conociendo kiko e teamnan aki a haci e bala e anja aki den ultimo seconde naq di wega, no a eumiza bandon na luga di sinta prome cu referi Kemp ta flui pa di ultimo bala.

Cu e minimo anotacion posibel Dakota a logra su sexto triunfo den e promer rond. Nan a mantene nan invicto y a propina R.C.A. su promer derota di e actual campeonato.

Tabata un partido hopi parewe den cual R.C.A. a domina hoi den e promer mitad, y e turno di Dakota pa domina a yega den e segundo tempo. Chalkier cu a tuma e minimo ventaha lo por a resulta vencedor.

PIO COFFIE A GANA MARATON DI CICLISMO

(Di nos redactor Deportivo)

E prueba di ciclismo teni ayera mainta riba un ruta di mas o menos 50 kilometer a wordu gana door di e conocido ciclista Pio Coffie. Na e salida eu a tuma luga pa 9.25 di mainta por dilanti di terreno di R.C.A. tabatin presente un total di 9 ciclista. Na tres ocasion nos a presencia e peloton di ciclistan. E promer den vecindario di Eagle Beach, caminda

aiada tur 9 tabata den accion. Poco pariba di cas di famia Viana na Playa, nos a holbe mira e ciclistan y e biala aki shete so tabata den accion ainda. Tercer y ultimo biala cu nos a mira nan tabata poco pariba di Balashi y e peloton tabata di seis hopy cerca di otro y uno completamente so algun cien nielr patras.

Den Lago Sport Park a drenta eom number uno Pio Coffie, mientras cu segundo puesto a bai pa e venezolano Ramon Reyes. Tercer puesto tabata di Victor Curlingford.

Na e promer punto di check oficial P.O.V.A. e peloton tabata encaheza pa Ramon Reyes 25 minuit y 20 seconde despues di e momento di salida. Na Trozadero e segundo punto di check e peloton tabata encaheza door di Coffie y e a yega ey 14 minuit 40 seconde despues di P.O.V.A. Nuebe minuit y 29 seconde despues Curlingford ta e promer den yega na e tercer punto di check na Commandeursbaai Club na Savaneta. Y apenas ocho minuit y 31 seconde despues Pio Coffie tabata e promer den yega Lago Sport Park.

Aya entrega di e premionan a tuma luga. Aunke cu e cantidad di participantnan tabata menos di loke nos a spera, e carrera tabata un exito. E organisadornan a conta cu gran cooperacion di parti di polis, cu a regla trafico y a corra dilanti di e peloton durante henter e ruta. Tabata presente tambe pa henter e ruta un team di Rode Kruis pa cualkier eventualidad.

SAN NICOLAS JRS TAMBE A SUPERA TROPICAL (5-3)

(Di nos redactor Deportivo)

Diasabra anochi den Wilhelmstadion a enfrente otro pa di promer bialha den e campeonato di hoofdklasse e equiponan di San Nicolas Jrs. y Tropical. E encuentro aki a resulta victoria number dos pa e onensa di e pueblo petrolero di nos isla y derrota number seis sigi pa Tropical.

Promer gol di wega a wordu anota dor di e semper peligroso chikiti di San Nicolas Jrs. Boei Briezzen net den di 18 minuit di wega.

Su companjero di equipo Eddy Gomez ocho minuit despues ta percura pa e ventaha di San Nicolas Jrs. aumenta te na 2-0.

Despues di sosiego delantero Benny Britten di Tropical ta anota e promer tanto di su team. Rey Rasmijn di San Nicolas Jrs. ta pone e score 3 pa 1 den di 22 minuit. Pa via di un penalty, e mes Britten den di 30 minuit di e segundo tempo ta anota e segundo gol di su team pa e score bira 3 pa 2.

Diez minuit despues (faltando pues apenas cinco pa e wega caba), Benny Britten ta pone su tercer shot exitoso ariba e gol defendi door di Jose Robles.

Tropical, cu e anotacion aki a empta e wega na 3 gol pa banda. No keriendo entrega San Nicolas Jrs. ta keda hunga cu hopi entusiasmo y den di 43 minuit nan ta kibra e empatie mediante un gol di Juanecho Kok.

Den forma sensacional, un forma

BO HOROSCOPO PERSONAL

ARIES
11 Maart — 20 April



E mainta ta masha bon pa hiba algo na realizacion. Bo dificultadnan lo bira peor.

TAURUS
21 April — 20 Mei



Bo aspectonan financiero ta parce mehor. I bo desrollonan ta hustifica mas grandi optimismo.

GEMINI
11 Mei — 20 Jun



Trata pa bo muntra bo mes masha bon den bista di bo superiornan. Esei ta pa probachoso pa bo.

CANCER
21 Jun — 22 Juli



Majan tempran ta mehor ora pa bini na un of otro arreglo i tumamen to di decisionnan.

LEO
23 Juli — 22 Augustu



No hala ni un duim atras ora cu bo tin razon den bo asuntunan. Para firme.

VIRGO
23 Augustu — 22 Septem



Bo financia i asuntunan objetivo ta masha favorable. Cuidao cu dificultadnan.

LIBRA
23 September — 22 October



Interesnan respecto bo trabao ta goza awe di preferencia. I e periodo ta bon pa conquista elogio.

SCORPIO
23 October — 22 November



Door di strategia lo bo por cosecha hopi ventaje. I bo aspectonan ta favorable.

SAGITARIUS
23 November — 21 December



Bo relacionnan i lazonan di amistad por ser fortifica door di cu ayudo dje direccion sabio.

CAPRICORNUS
22 December — 19 Januari




E mainta aqui ta e mehor ora pa tuma decisionnan. Merda bo eficiencia lo reduci.

ACUARIUS
20 Januari — 18 Februar



Cuminsa tempran si acaso bo tin cosnan interesante di haci. Ta un dia favorable pa negoshi.

PISCES
19 Februar — 20 Maart



Awe ta un dia pa tene conferencia nan i relacion financiero i cerra transaccionnan.

cu e anja aki a tuma luga diferente bialha caba, faltando no mas cu mita minuit pa e wega completa. Nadi Briezzen ta anota e gol di sigura e wega, loke a pone e score final di 5 pa 3 na favor di San Nicolas Jrs.

Posicion di hoofdklasse

CLUB	W.H.	W.G.	W.E.	W.P.	G.F.	G.C.	Pts.
Dakota	7	6	1	—	15	5	13
R.C.A.	7	5	1	1	18	10	11
Jong Aruba	7	4	—	3	24	21	8
Estrella	7	3	1	3	13	13	7
San Nicolas Jrs.	6	2	2	2	12	12	6
Riverplate	5	1	1	3	13	15	3
Aruba Jrs.	5	1	—	4	9	14	2
Tropical	6	—	—	6	7	21	0

BUCHI ROBEZ

presenta pa cortesia di: **PIET'S SODA FOUNTAIN** Tel. 2123

★ e mehor adres pa snacks, tur clase di dushi, softdrinks, ice-cream y revistas

